



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Viridarivm Sanctorvm**

Ex Menæis Græcorum lectum, translatu[m] et Annotationib. similibusq[ue]  
passim, historijs Latinis, Græcis; editis, ineditis illustratum

**Rader, Matthäus**

**Avgvstae Vindelicorvm, 1607**

Sa. Thomais Martyr.

**urn:nbn:de:hbz:466:1-43013**

Femina porro curata, letitia gestiens reuertit. Multa alia supra vim naturæ memoranda designauit Sanctus, quæ ne fastidium crearemus lectori, quamuis inuiti præterimus. Quinque ergo supra nonaginta annos in hac virtutis palæstra versatus, cum nunquam ab ea declinasset, nec locum mutasset, ad decimum ultra centesimum ætatis annum peruenit, multis variisque editis vaticiniis & prædictionibus, quas omnes euentus ipse comprobauit. Tandem magno fratrum cœtu collecto coactoque, vnâ virtute cæteris præstantiorem selegit: & huc, inquit, Deus pastorem in meum locum designauit. simulq; manu indigitabat & complectebatur, omnibusque benè precatus, post dies septem ad Dominum abiit die sexta decima Martii.

24. Aprilis Sa. THOMAS MARTYR.

**H**Æc Alexandrina fuit, à parentibus, ad omnem honestatem erudita, literis imbuta, tandemque viro nupta, apud quem prudenter se & commodè gessit, magnaque cum laude honestatis & temperantiæ vixit. Cum ergo in ædibus mariti dege-

degeret; ſocero Thomaidis, qui nurum in domum cum filio acceperat, animorum perditor Diabolus impuras contra nurum cogitationes immiſit, ita vt inceſtare filii coniugem omninò conaretur, remque ad opus deducere. Sed cum beata Thomais multis verbis improbum ſenem à ſcelere dehortaretur, atq; inſimis precibus deprecaretur, ne pudorem ſibi vellet extorquere, fruſtra tamen fuit. Impulſus enim vel potius à malo dæmone occæcatus, & inflā- matus arrepto gladio nurum ſuam cædit, rectaque mediam findit, quæ mox animam edidit, ac pro caſtimoniâ interfecta, martyrii lauream retulit. Socer autem extemplo cæcitate percuffus, domi oberrabat. Adſunt interea qui filium eius quærun, reperiuntque funus coniugis in terrâ fuſum, & ſenem ſocerum circa parietes reptantem, atq; hinc inde offendentem, & in ædibus ſuis cæco veſtigio inerrantem, rogant, quid id ſpectaculi ſibi velit? fatetur ſenex facinꝰ, ſeſeque parricidii reum accuſat, additq; & rogat, vt ab iis ad magiſtratum deducatur, à quo capitis ſententiâ damnaretur. Faciunt illi, quod ſenex rogarat, eumque ad tribunal prætoris ſiſtunt, qui cognitâ cauſâ, gladio in ſenem animaduertit. Hæc cum

*Diſce Lucretia:*

*Ante ſcelus, caſta mors pati- enda fuit.*

Daniel Scitani cœnobii archimandrita accepisset, Thomaidem in Scetam deportari curauit, ibiq; in suo cœmeterio humauit, vt quæ pro pudicitia sanguinẽ profudisset. Fuit autem in Scetanâ domo, qui telo cupidinis ictus, ad libidinem vehementer incitabatur, is cum ad beatæ Martyris reliquias, & tumulum accessisset, seseque oleo ex .: lucerna delibuto inunxisset, acceptâ per nocturnam quietem, qua martyr illi visa, cœlesti imprecatione, experrectus, se penitus ab omni libidinis affectu expeditũ sensit. Ex quo tempore illius cœnobii sodales, singulare præsidium in hoc corporis conflictu per beatam Thomaidem acceperunt.

.. ἐκ τῆς  
Φωταγω-  
γῆς.

19. April. S. THEODORVS M.

**A**Ntonino rem Romanam administrante, præside Pergæ Pamphyliaë Theodoro, flos iuuenum multorum, formâ & oris dignitate præstantium in militia rudimentũ & tirociniũ conscriptus, quos inter & hic beatus Theodorus ad ducẽ est deductus. Accinctus ergo militari more, & signo Martis, quemadmodum & cæteri, instructus, ipse mox signum abrupit: Ego, inquit, ab ipso

σφραγίδος